

ISapref nemifundaze yezamakhono

INTATHELI YESOLEZWE

BANGU 175 abantu abasha baKwaZulu-Natal abanikwe imifundaze yinkampani ehluza uwoyela, iSapref, abazoqeqeshwa khona.

Esitatimendeni sakwaSapref, baveze ukuthi bathole izicelo zokuqeqeshwa ezingu-21 000.

Phakathi koxhaso olukhishwe yiSapref kubalwa imifundaze engu-11 yabafundi baka-Grade 11, imifundaze engu-14 yabazoqala enyuvesi benze izifundo zobunjiniyela, imifundaze engu-70 yokuqeqeshwa ngaphakathi eSapref kanjalo namathuba okuqeqeshelwa umsebenzi.

Omunye wabathole umfundaze nguMnuz Qiniso Vumisa owayehlana amahhovisi akwaSapref kodwa othole ithuba lokuqeqeshelwa izifundo zeMechanical Engineering.

Uveze ukuthi uyajabula ngokuthola umfundaze futhi uzokwazi ukuqedela izifundo zakhe.

Wafaka isicelo emuva kokubona isikhangiso emahhovisi akwaSapref ngesikhathi enza umsebenzi wakhe.

Ugqugquzele intsha ukuthi ithande imfundo, isebenze kanzima esikoleni ukuze iphumelele.

Uthe ngesikhathi isalinde amathuba angcono akufanele ihlale ekhaya kodwa ayizame amatoho ngoba yena ithuba lokufundela umsebenzi awuthandayo limfice esetohweni lokuhlana amahhovisi.

Ngaphandle kokukhipha imifundaze minyaka yonke, iSapref ixhasa abafundi ezikoleni eziseningizimu yeTheku ngokubaqeqesha ngamakhono adingwa yile nkampani.

Baveze ukuthi banesikhwama



UMNUZ Qiniso Vumisa oqale kwaSapref ehlanza amahhovisi kodwa manje oseedela ubunjiniyela Isithombe: SITHUNYELWE

esibizwa ngeDurban South Training Trust esiseSiphingo. Kulo nyaka samukele abafundi abangu-72 abazokwenza izifundo zeBoiler Making, Fitting neWelding.

Abafundi abangu-55 abakhiqizwe yilesi sikole bazothweswa iminyezane nonyaka.

Isikhulu esiphezulu sakwaSapref, uMnuz Ton Wielers, sithe bathatha abafundi ngoba befuna ukuba nabasebenzi abanamakhono adingwa wumkhakha wokuhluzwa kukawoyela.

“Kulo nyaka sivulele kakhulu abafundi besifazane amathuba njengoba u-70% wabafundi bethu kungabesifazane.”